



## UGOVOR o javnoj nabavci usluga popravke i održavanja CNG punionice proizvođača CUBOGAS

KJKP Sarajevogas d.o.o., Sarajevo, Ul.Trg Fadile Odžaković Žute 4, Sarajevo, BiH,  
Koga zastupa: V.D. Direktor Preduzeća Samir Pajević, dipl.ing.maš., (u daljem tekstu: Naručilac),

i

«Unis Fagas d.o.o.», Ul. Rajlovačka b.b., 71000 Sarajevo, BiH,  
Koga zastupa: Direktor Alen Gradašević, (u daljem tekstu: Izvršilac),

### Član 1.

Predmet ugovora je usluga preventivnog i korektivnog održavanja, te prvog servisa CNG punionice proizvođača CUBOGAS za 2020. godinu, po provedenom direktnom sporazumu nabavke broj: DS-05-75/20. Izvršilac je dostavio ponudu na Obrascu za cijenu ponude broj: SP-OJ04-DS-05-75/20-01 koja je sastavni dio ovog ugovora.

Svrha ovog ugovora je definisati uslove angažmana i obaveze Izvršioca usluga sa jedne strane te odgovornosti Uprave Naručioca s druge strane.

Popravka i održavanje CNG punionice ukupnog kapaciteta od 1500 Sm<sup>3</sup>/h i grupe spremnika prirodnog gasa ukupnog kapaciteta od 2400 litara, obuhvata popravku i održavanje:

- Kompresora (dva) za komprimiranje prirodnog gasa kapaciteta/ ukupnog kapaciteta: 2 x 750 Sm<sup>3</sup>/ h / 2 x 750 Sm<sup>3</sup>/ h = 1500 Sm<sup>3</sup>/h,
- Sistema grupe spremnika prirodnog gasa po kompresoru (jedinici) zapremine/ za oba kompresora (jedinice) ukupne zapremine: 15 x 80 L = 1200 L / 2 x (15 x 80L) = 2400 L,
- Sistema grupe spremnika prirodnog gasa za rasterećenje i start kompresora (jedinice) zapremine/ za oba kompresora (jedinice) ukupne zapremine: 2 x 80 L = 160 L / 2 x ( 2 x 80 L ) = 320 L,
- Vazdušni hladnjak za hlađenje komprimiranog prirodnog gasa u ciklusu kompresije ( hlađenja cilindara kompresora ) za svaku kompresorsku jedinicu,
- Izmjenjivač toplote za dodatno hlađenje komprimiranog prirodnog gasa za svaku kompresorsku jedinicu,
- Dodatni sistem za hlađenje komprimiranog prirodnog gasa (chillers) za svaku kompresorsku jedinicu,
- Kompresor zraka i spremnik zraka, sistem opremljen sa sigurnosno odušnim ventilom, presostatima, manometrima i filterom zraka za pneumatsko upravljanje pneumatskim ventilima za svaku kompresorsku jedinicu,
- Pneumatski razvod za komprimirani zrak za pneumatsko upravljanje pneumatskim ventilima za svaku kompresorsku jedinicu,
- Električni motor sa mekim (soft ) startom za svaku kompresorsku jedinicu,
- Grupe pneumatskih ventila, sigurnosno odušnih ventila, manometara, transmitera pritiska i temperature za svaku kompresorsku jedinicu,
- Nepovratne i kuglaste ventile za svaku kompresorsku jedinicu,
- Uređaj za dojavu prisustva prirodnog gasa (detektor gasa) instaliranog u kontejner za svaku kompresorsku jedinicu,
- Sistem ventilacije prostora kontejnera za svaku kompresorsku jedinicu,
- Sistem osvjjetljenja prostora kontejnera za svaku kompresorsku jedinicu,
- Kolektor za odzračne i drenažne vodove opreme za svaku kompresorsku jedinicu,



- Spremnik za drenažu i odzračni vod u slobodnu atmosferu za svaku kompresorsku jedinicu,
- Kontrolni i elektro panel sa mekim (soft) start za svaku kompresorsku jedinicu,
- Panel za određivanje prioriteta i sigurnosti za svaku kompresorsku jedinicu,
- Agregat za punjenje (dispenser), dva komada/ s jednim dovodom komprimiranog prirodnog gasa, dva crijeva i dvije mlaznice za punjenje po jednom agregatu (NGV1/NGV2).

#### Član 2.

Ugovorna vrijednost usluga iz člana 1. ovog ugovora bez PDV-a iznosi: **6.000,00 KM (slovima: šest hiljada KM)**, a jedinična cijena je specificirana na Obrascu za cijenu ponude broj: **SP-OJ04-DS-05-75/20-01**, koja je u prilogu ovog ugovora i čini njegov sastavni dio.

U cijenu iz stava (1) ovog člana nije uračunata vrijednost opreme i rezervnih dijelova koja bi prilikom popravke i održavanja mogla biti eventualno ugrađena na CNG punionicu. Oprema i rezervni dijelovi će biti fakturisani po vrijednosti koju će usaglasiti ovlašteni predstavnici obje ugovorne strane.

Naručilac će plaćanje izvršiti nakon prijema uredno ispostavljene mjesečne poreski ispravne fakture na transakcijski račun Izvršioca u roku od **30 dana**.

#### Član 3.

Naručilac i Izvršilac mogu odustati od ugovora na osnovu međusobnog sporazuma kad nastupe okolnosti određene Zakonom o obaveznim odnosima. Sporazumom o raskidu ugovora regulisat će se međusobna potraživanja ugovorenih strana u trenutku raskida ugovora.

#### Član 4.

Izvršilac ugovora mora biti ovlašten od proizvođača CUBOGAS SRL – Italija, za popravku, održavanje i servisiranje opreme CNG postrojenja za komprimiranje prirodnog gasa.

#### Član 5.

Obaveza izvršioca je:

- Da vrši preventivno i korektivno održavanje – redovni servis prema planu održavanja, popravke pojedinačnih defektnih dijelova u okviru korektivnog održavanja, otklanjanje smetnji na postrojenju te eventualne izmjene i nadogradnje sistema po zahtjevu Naručioca u toku trajanja garancije prema opštim uslovima iz iste;
- Da obavlja preventivni pregled najmanje dva puta mjesečno, koji se sastoje iz redovnog periodičnog pregleda opreme postrojenja za komprimiranje prirodnog gasa u cilju blagovremenog otkrivanja, odnosno otklanjanja eventualnih nedostataka, kao i svih promjena koje mogu uticati na sigurno i bezbjedno funkcionisanje postrojenja;
- Da bude dostupan u slučaju prijave smetnji/kvara na punionici, u periodu od 0:00 do 24:00 časova od ponedjeljka do nedjelje.
- Da od momenta zaprimanja dojave o kvaru bude spreman na servisnu intervenciju u rokovima kako slijedi:
  - a) U vremenu od 8,00 do 16,00 sati – u roku od dva sata;
  - b) U vremenu od 16,00 do 08,00 sati – u roku od 6 sati i
  - c) Vikendom i praznicima u roku od 12 sati.
- Da otklanjanje kvara izvrši u roku od najduže 7 dana po obezbjeđenju nedostajućih rezervnih dijelova;



- Da o realizovanim aktivnostima na preventivnom ili korektivnom održavanju sačini Izvještaj/Zapisnik, te jedan primjerak dostaviti Naručiocu.

#### Član 6.

Naručilac se obavezuje da će tokom trajanja popravke i održavanja CNG punionice CUBOGAS staviti na raspolaganje izvršiocu najmanje jednog stručnog uposlenika za saradnju sa uposlenicima Izvršioca.

#### Član 7.

Kupac i Prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane.

#### Član 8.

Prodavac je u obavezi da odmah nakon dobivanja narudžbe od strane kupca izvrši uslugu iz čl.1. ovog ugovora. Za svaki dan zakašnjenja u izvršenju usluge kupac će zaračunati penale u iznosu od 1%, s tim da ukupni iznos penala ne može biti veći od 5% ukupne vrijednosti ugovora.

#### Član 9.

Ukoliko kupac u ugovornom roku iz člana 2. ovog ugovora ne plati cijenu za izvršene usluge obavezan je prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

#### Član 10.

Ovaj ugovor se zaključuje na period trajanja do njegove realizacije, ali ne duže od (1) jedne godine računajući od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

#### Član 11.

Ugovorne strane su saglasne da Izvršilac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke. Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

#### Član 12.

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.

#### Član 13.

U slučaju bilo kakvog spora po ovom Ugovoru, strane su saglasne da se isti riješi sporazumom, a u slučaju nemogućnosti postizanja sporazumnog rješenja ugovora se nadležnost suda sa sjedištem u Sarajevu.

#### Član 14.

Ovaj ugovor je sastavljen u četiri jednaka primjerka od kojih 2 (dva) zadržava Naručilac, a 2 (dva) Izvršilac. Ugovorne strane bezuvjetno izjavljuju da ovaj ugovor sadržava i predstavlja njihovu stvarnu volju te ga kao takvog vlastoručno potpisuju. Ovaj Ugovor stupa na snagu danom potpisa Ugovorenih strana.

#### Za Izvršioca:

Direktor

Alen Gradaščević

Broj ugovora \_\_\_\_\_



#### Za Naručioca:

V.D. Direktor Preduzeća

Samir Pajević, dipl.ing.maš.

Broj ugovora \_\_\_\_\_

10-07-2020